

江

西

詩

徵

江西詩徵卷二十三

南城曾燠賓谷編輯

宋

蕭元之

元之臨江人有鶴臯小橐

塞馬歌荅楊侍郎

侍郎贈我六尺駒
矯矯龍性天骨殊
四蹄鐵立目閃電
此其壯志思長驅
率來細觀問廝養
何物有此權奇狀爲言
此是古龍孫往往得之
沙塞上森張霧縠
碨礧礧礧蕭稍駿
尾搖朔風水河蹙
裂蹄甲銳竹批兩耳
雙方臚向時淮西
屢戰勝會駝猛士
敲金鐙帳前欲得不
敢言空懸寶珠光

照乘我有百發落雁鉛
前年引滿射赤眉功成萬死不見
賞歸騎驢子吟楚詞浮沉不作飛騰夢
感公贈我意勤重
旋蒙臯比作鞍鷄更染青絲結韁鞬
祗今中原狐兔鳴黃
沙莽莽白骨腥願公急起掃欃槍
百萬勲業一旦成我當
乘此載前旌男兒報義要輕生

送季庸奉祠歸里

昭代昌文化無人歎
陸沉諸公自才傑
吾道正山林紫蓋
三年事滄波萬里心
長安豈無路塵起汙瑤簪

聞德音入蜀

蜀山萬里外聖主得遙聞歸使愁無路
遺黎泣見君千年
文物邵百戰虎狼羣才退慚司馬無因寫檄文

行子

行子家何處。征帆楚岸開。滄江還幾曲。白鳥忽雙來。別酒
寒衝醒。輕舟浪打回。孤懷正牢落。更聽暮猿哀。

立春日大雪作代簡招友

山意久辭臘。林根凍未消。清尊如有待。白髮正無聊。歲去
梅花在。春初柳絮飄。同吟二三子。折簡可能招。

送郡守張宗丞

淮漢秋風起。邊聲不可聽。九重選良牧。內地著郎星。土沃
桑麻長城荒。草樹青。居民多近水。一一是江亭。

淚落鄉邦事。民瘼久未瘳。官收隨畝券。人上運糧舟。寇起
征方急。年饑糴未休。更聞來取楮。何以應需求。

本是詩書種躬耕寂寞濱傾家市鞍馬損命犯風塵幕府
差功級京華困旅貧不如歸去好依舊作詩人

別趙李曹

連幕皆佳士如君淡素何圖空公事少官滿薦書多憂國
關豐歎籌邊定戰和艱難別知已吾道欲滄波

相別日雖淺桐期意獨深那知成遠道何以慰孤吟旅鴈
蘆花浦啼猿楓樹林明朝應此念把酒亦愁心

還西里所居

長恐山林計未成可能俯仰向公卿鶴閒不受雲拘束梅
冷惟堪雪主盟北闕無書休悔出東臯有朮可歸畊鏡容
漸改驚非昔只羨旁人喚後生

鄧允瑞

允瑞字茂初臨江人

古樂府

梧桐葉落秋容早夜夜寒蛩泣裏草鳳釵金冷鬢雲凋可
惜紅顏鏡中老音塵望斷沈雙鯉喚起相思何日已瑣窗
人靜月輪孤六曲屏山冷如水

過處士山齋

一室蕭疏甚禪床印佛宗樹陰生石罅茶鼎帶松風去去
水千里行行山幾重佩琴與詩卷回首翠微中

遣興

得志心偏壯謀生事轉疎雨蓑春種藥月案夜抄書窮達

雖同道功名不定居憑誰報消息爲問近何如

秋興

輕烟漠漠鎖晴嵐野水溪邊小駐驂日暮征鴻落何處似
將風色到江南

試箋

撥開宿火起爐烟畱得餘香伴夜禪落盡碧桃春不管東
風却放柳飛棉

高吉

吉字幾伯廬陵人有懶真小集

有所思

上山採芳桂不盈一掬金金色容易變零落傷我心欲以

遺所思山遙水沉沉微物豈足貴但感歲月深

胡不歸二首

客從暑中來清風入我戶佩帶楚蘭香囊纓湘蘿句一笑
志形骸百年示肺腑烹鯉喚麌生勞苦竹深處遠遊焉俱
俱歸夢應栩栩回首白雲飛下有白髮母白髮不堪翦兒
去定何所頻頻占鵲喜噭噭待鳥哺去時萱始華執手淚
如雨萱華幾飄風月落啼杜宇

秋聲蕩子妻空房守幽獨纏綿心緒長吞聲忍夜哭背燈
耿孤影香冷雲模低絕憐屋上烏替人嗚嗚啼

寒南

塞南月冷烏夜飛茫茫曠野無枝棲防邊夜歌大風起鐵

衣如水凍不死功成那忍乞愛卿叫閻已獻龜形綺錢塘
江邊烏欲棲小卿醉軟紅玉肌韞雲酒簪困未醒山頭赤
鳥啄金餅春宵恨不長如年無情銀漏何濺濺起來一笑
花嫣然

快閣

不跨揚州鶴來尋快閣鷗澄江依舊月落木幾番秋山色
橫青眼交情歎白頭一聲何處箇我欲理歸舟

憶瀟湘故人

竹好無多箇江清不覺深餘香隨去蝶軟語愛幽禽美景
翻成恨經年不寄音長沙一樽酒得共幾回斟

秋窗雜題

月朗衆星稀天高萬籟息草露漏秋蟲悲悽聲唧唧隔窗聽鳴機寒光曙猶微物自催人空爲貧女惜

陳 郁

郁字仲文號藏一臨川人理宗朝充緝熙殿應制景定間充東宮講堂掌書兼撰述德祐間卒

石湖歸途

人與西風結約來芙蓉花氣撲吟杯曲塘好處都行徧帶得一身秋色回

東園書所見

娉婷游女步東園曲徑相逢一少年不肯比肩花下過含羞卻立海棠邊

城東看柳

翻煖爲寒一信風
畫橋南北岸西東
春歸楊柳無私意
深淺青黃自不同

蘇隄曉望

荷邊清露襲人衣
風裏明蟾浴曉池
涼影潤香吟不得
攀隄柳立多時

景靈宮恭謝駕回丞相以下皆簪花

幸驂恭謝覩繁華
馬上歸來戴御花
老婦稚兒皆顧問
頌春色到詩家

賦翁仲

銅仙擎露秋風表
珍重劉郎千萬壽
老聃攘鼎貽孫謀
因

逼此仙俱受垢仙寧折骨拒非招恥爲姦雄效奔走污名
翁仲俾司門口不能言心自否洛陽宮殿一灰飛天上此
標獨長久君不見堂堂冠劍隱勝城萬古六丁驅鬼守

吳汝式

一作汝式

汝式字伯成南城人有雲臥詩集

游石仙分韻得觀字

閑攏兩袖秋步入沖寂觀古樹老雲中仙居毀廢半是時
零雨高葉脫西風亂怪禽走何忙澀水流不漫那知張郎
仙譎幻敢懸斷雷書貯紅崖愚下浪傳贊符碑黨長靈鬼
物豈歌喚尚云劙埋山安得急推斷冷翁亦張徒精氣不
如散死坐豫樟空鑿竅競窺看何不葬山原不然棄江汎

烏鳶與螻蟻豈食吾一貫獨留天地間萬古亘光燦神仙
固渺茫此事良可惋忍哉偷兒狂更擣泥腹爛我來擬少
休亭壓不敢玩黃冠三四人拙野只欲竄延坐無好言令
我住涼館飯餘且從觀逸興薄霄漢琴鳴著高彈奔勝出
奇算嘯咏壺隱樓撫事發長嘆大書同人名聊欲記遊翫
陰翳滌輕寒日色倏昏晏倩人買村醪煮芋虀看案清坐
二更深一睡各鼻鼾曉來登巖頭棘路解羈絆劃開天蓋
覽遠景過飛翰幽叢摘新茶窺險身發汗居然束歸裝重
下西巖畔我思古之人豈只局窮閑觀海登泰山深高世
間冠斯巖雖荒榛樂事寔昭煥人心本然同今古未容判
終當駕風雲高蹈無畔岸作詩示兒童茲遊吾豈憚

歲終呈一齋

高祠千丈松清陰疎林邱豈無棟梁用匠伯不見收匠伯
恐未良棟梁終有求天風叶偃蓋五雲常爲浮

學道非學世韜精養中和紅朱各自貴誰可聆商歌皦皦
大聖心昭然空自多著書後子雲千載應不磨

王顯世

顯世字子亦南安人官寧都令有容安橐

烏駕道中

蹲鴈用事謝黃獨木奴弄色陵烏槔落日人行桑柘裏西
風鴈過猶染時故山秋晚正如此遊子天寒何所之一笑
沙禽忽驚去水邊的礪早橫枝

張異

異新昌人

題梅檀

上疏歸來日已西
山中旋製薜蘿衣
謀身豈爲金丹秘
去國應知火祚移
風露滿林蟬幾蛻
松杉遶屋鶴孤飛
瓣香僕僕非公願
自有忠誠天地知

吳季先

季先臨川人

送梅璫有感

小立仙壇挹斗箕
著身高處覺天低
南閣更隱清風在
醒時人一枕迷

吳 浚

浚字允文南城人有集

重過瑞金江

水瘦灘聲健天寒霜意新犬牙舟過石魚貫路行人到眼
心應識回頭跡易陳時平刀劍息失喜問遺民

客中

斷雁嘯雲天雨霜客中何事不淒涼玉梅約住東風信更
讓黃花半月香

春日

畫堂簾箔碧籠蔥午夢模糊燕語中微雨嫩晴天似醉闌
紅吹上海棠風

李謹思

一作李謙思

謹思字明道號養吾餘于人咸淳元年試禮部釋褐狀元授泉州推官歸隱銘山入元終身不仕

題文丞相嘯吟集

南人不識兩膝貴曲摺百態卑且勞斯人護膝不護頭故以頸血霑君刀蟠胸孤憤擘不碎殺氣千丈纏旌旄援桴親鼓盡南海背水更用鑿丁盤俘來吮血語神語咄咄尚與天爭豪須臾赤日減顏色元雲莽莽風颶颶或言巨靈收拾付真宰讀罷拊臆生長號又言豐隆列缺對愁絕疾指玉鞭鞭六鼈雨瓢倒翻水怪舞斗樞橫軋天籟號憐伊肝膽苦復苦亦見曩昔真離騷灰滿地莫挂眼蓬萊雖

遠容輕舠長驅癟鬼尚堪戰儘閑未許飛仙邀乃言興廢
在爾不吾與吾死吾主吾焉逃魯叟聞言拍手笑斯人六
經爲骨爲皮毛斯人捲取六經去空將蜃本傳兒曹

補疎齋題鵝湖

客來誰與期微鋗度山椒松風如起予間以笙與簫逸響
諒斯存幽蹤莽難招

贈李節婦

猝猝多瓶屈幽幽獨難經借渠施粉黛聊與照丹青孤樽
何年寄重泉底處局有人能縮地不隔短長亭

寄進士熊退齋

猶存火後書罕識卷中字無筆補元經有金酬載記漫漫

歲月馳忽急春秋闕欲辨已忘言涕淚空垂泗
徇義若殉財避名如避箭况當憲懼交肩與寵辱踐百年
元亮心一日宣明面朱門轍迹多山路微如綫

艾可叔

可叔字無可號臞山臨川人咸淳四年進士歷官
西臺中丞與弟蕙山孤山自相師友世稱三艾先
生入元不仕有文江講藝集按通志可叔作叔可
弟可翁作蕙可茲據

艾氏家
乘校正

浮梁金華山

骸骨分明露泮洲登臨幾度泛虛舟人生天地蜉蝣寄世
事江河日夜流前後朗吟坡老賦逍遙終羨漆闇遊子真

谷口今成趣不爲紅塵枉白頭

晚秋歸自京

紅塵兩脚幾時休此度真成浪漫遊
倦買夜船過釣瀨渴呼臘盞試龍游
菊前疎雨重陽信天際孤雲萬里愁
昨夜江頭鄉國夢已隨明月度西樓

樟鎮夜泊

醉却長年懶着篙聊依山市泊江皋
船收蒲席風初定人臥蘆花月正高
時有沙禽驚客夢厭聽櫓馬亂空槽
曉來細雨秋烟濕意思三分是楚騷

臨江褒忠廟題

憶昔狼烽謀報忙空拳支敵出倉惶
齒寒誰解嬰城守舌

在公還罵賊亡秦伯早能憐楚使張君未必死睢陽西風
吹起英雄恨斷礎妻烟淚兩行

金陵晚眺

星移物換千年事虎踞龍蟠萬雉城歸巷烏衣秋縹緲點
州白鷺雪分明江分南北天爲限淮接東西地最平目斷
青峰是何處單于吹角莫雲橫

正月晦日西歸舟中作

宦情一片莫雲浮歸興雙溪春水流惜別長官攜酒盞送
行詩友候津頭人方挾彈窺黃雀我不知機愧白鷗數夕
打篷風更雨併無明月載空舟

中秋風雨

一年佳節又虛逢。惱殺江湖白髮翁。
滴夢欲殘蕉葉雨，吹愁不斷蓼花風。
陰晴晦天無準離合悲歡態不同。
聊買香醪作清賞，燭光閒對木犀紅。

江南歸附後不仕述懷

舟在中流進退難。髮雖種種此心丹。
死爲元亮終書晉，生是閭侯本事韓。
貧賤不憂知有道，亂離最幸是無官歲。
塞誰似東籬菊，禁得投簪日日看。

整裘袍

袍剪新藍襯淡黃。官宣粲粲照巾箱。
倩人細熨波濤皺，爲我重縫雲霧香。
入手雖輕榮賜重，此身差短感恩長。
微忱稱報慚無路，空挹山龍補舜裳。

東上拜羅首墓

驛道百年墓征衣四世孫衝風行木葉藉雪拜松根老覺
貂裘敝貧惟鐵硯存倘微先世福猶足醉邱原

窮達

窮達寧無分逢迎費折腰人情剝溪紙世事浙江潮凍井
和冰汲寒山帶雪樵子雲雖寂寞莊叟得逍遙

木棉

收來老繭倍三春匹似真棉白一分車轉輕雷秋紡雪弓
箭半月夜彈雲衣裘卒歲吟翁暖機杼終年織婦勤聞得

上方存節儉區區欲獻野人芳

渡鑑潭望鄧宜之白雪別墅

小驅爾破是塵埃。逢好江山眼爲開。賀老生涯鑑湖曲。
希夷別墅白雲堆。欲尋溪叟拏舟去。却被山靈勒駕回。憶共
吟邊曾有約。夜深應晤抱琴來。

艾可翁

可翁字元憲號蕙山臨川人。工文詞善兵法。以江
萬里薦爲朝請郎。賈似道尋逐萬里目爲黨人。遂
棄官歸不復仕。有愁吟。

山居雜興

老夫晨沐罷。還臥看雲行。短髮便巾小。衰容怯鏡明。
空林存竹意。破屋帶泉聲。自喜詩碁外。無營夢亦清。
青山意自足。擾擾復何之。見客從衣破。哦詩任飯遲。
蔬畦

耕犢草匏架落蟬枝逆境偷貧樂休兵未可期

村落兵戈後江湖几杖前索居兼屏燕幽夢反宣蟬茅舍
分炊火苦磚出釀泉家貧思辟穀非是博長年

家兄有和再用韻

簡林看日落出戶對天行久亂人情變長貧心事明虹拖
城郭勢河濺甲兵聲誰似秋來水能於濁世清

故人在何處清夢或逢之老樹秋聲早深窗曙色遲濕螢
粘露草驚鳥徙風枝琴破才支臥知無鍾子期

亂離生世晚衰白在人前雲水飛饑鶴山林付亂蟬日今
行黑道人有隔黃泉碧漸秋來短愁長亦敝年

舟中

水月長依夢江天半入詩斷崖雲欲落危岸樹多欹天晚
鴈先起舟行客未知雪霜篷隔斷何得上吟罷

屢庸軍馬後相過

相疎憐各病相見賀更生久亂詩書廢長貧門戶清晨炊
才脫粟夜臥亦班荆祇有悲秋卷多於未受兵

番陽道中

督府春移檄江城畫撤花好書如隔世人客似無家畏路
多言虎荒村半是鴉道逢西北客揮淚問京華

兵火後野望

干戈連萬國邱壑臥三年虎嘯黃芽地鴉屯白骨田渴虹
疑竭海腥霧欲沉天搖落前朝老長懷魯仲連

江村兵火後月色似長淮鼓角連秋思風塵帶客懷諸公
朝漢北一老哭天涯猶幸春陵夜葱葱氣尚佳

漢陽城

漢陽城上望天色欲蒼黃雲去仍清野人稀半戰場江分
青草斷山接白雲長一掬中原淚淒涼對夕陽

釣臺

歸去江頭伸脚眼不煩太史驗星躔一絲千古經綸在不
爲東都二百年

雲臺歷歷紀功臣底事中間有子陵未必故人同臥處了
無一語及中興

子規

舉目山河惱客懷百年前事總塵埃如何愛勸人歸去倒引南人入汴來

傳聞

力戰奚憂曳落河可憐重闇亦投戈後來未可輕東晉雖是清談死節多

題淵明像

灑酒不孤頭上巾醉來萬事等浮塵誰家三徑無松竹肯說昨非能幾人

仕晉何心更仕劉知幾聞早去來休多君不肯腰輕折非爲區區縣督郵

書羅公碑陰

人家落落墮荒邱碑帶苔痕獨字畱博陸脊梁扶日月中
郎名筆法春秋一抔誰下尋墳馬片石今供礪角牛惟有
斜陽閑照管肯隨鴉影上螭頭

次龍驤山順處齋

喪亂踰三載孤高配九秋日方行北陸江不改東流詩入
中年老官逢世變休伸將頭雪白搖落更多愁

春夜

雨浥梨花粉淚香一痕淡月照修廊春來只是尋常夜惟
有杜鵑添覺長

君馬黃

君馬黃我馬驪白玉爲勒絡青絲與君並轡河水濶河上

撲撲楊花飛楊花飛飛送客人生別離良可惜願君鞭影
去遲遲莫學楊花各南北

元宵

偶然散策無尋訪何限傷心強笑歌世味正如春酒淡市
燈不及月華多人生只合且如此國勢遂成無奈何年少
尙裝胡旋舞不知舞破幾山河

次韻徐君載見寄

不必相逢贍語春本然心跡自相親青山我已臥三載白
社君今與一人亂後事非京國舊雨餘秋共客愁新躬耕
谷口雲應滿何處堪尋鄭子真

淡圃兄生辰有詩次韻

來壽吾兄玉局仙郎君亦自醉頽然亂離難得團圓日清
健何須少壯年投老宦情雲在壑憂時心事日行天遐齡
此去應如鶴蕙帳月寒相對眠

時危安樂是神仙默有扶持豈偶然林下且須堅晚節尊
前未用說明年窮通莫計惟期壽與廢難言賴有天恨殺
飄蓬自頭弟十年風雨別州眠

金山寺前泛舟西下

櫓春坎坎水潺潺曲折舟行亂石間無數水禽飛不起杜
鵑花滿夕陽山

九日止諸少登高

塵埃漠漠一千里風雨瀟瀟十四陵立得身高愁轉甚龍

山從此不

吳叔元

叔元新喻人

江上

獨坐江之埃高秋葉落時風狂疑水立雲動覺天移浦遠
孤鷗沒溪平小艇遲徘徊待月上把酒寄遐思

黃 畴

畴字子耕分寧人庭堅諸孫從朱子學登咸淳四年進士累遷軍器監丞外知台州終袁州守有

復齋漫稾

題桃源

王詩文

卷之二十一 宋十九

本自深村老圃來偶分符竹到天台漫山幸可容桃李竟待劉郎去後栽

龔孟夔

孟夔字龍友臨川人咸淳四年進士官福建通幹送孟和卿平陽尋母

杜羔念母心最苦豈意一朝逢澤潞母驚兒貌似乃翁兒抱母啼淚如雨五十孺慕朱壽昌刺血寫經毛髮蒼閒開同州晚相見迎侍親輿歸故鄉人生百年一彈指母恩未報情曷已團園尊前舞綵衣大勝世間朱與紫子行萬里渺風沙誓不見母不還家兒今髮落母應老道旁看者還詣嗟歸川孟氏號雍睦家世來此湧淵族婆娑老幕紫荆

花料想春風依舊綠

鄧德秀

德秀字元實號秀山南豐人咸淳四年進士官建

寧府推官有秀山小稿

慈相寺

小橋橫過一溪長因訪梅花到上方山到盡時逢怪石樓
於高處帶斜陽殿經幾刦壁多壞碑刻前賢詩數章三百
年前鐘尚在可憐闕遍幾興亡

曾子良

子良字仲材號平山南豐人徙金谿咸淳四年進

士官淳安令宋亡隱陶塘

輓知臨安府兼浙西制置使曾公

德祐思良弼江西出大臣報忠昭漢議靖獻有殷仁敏日五朝老清風百世人幾時歸袞繡秋草臥麒麟

永紹傳賢啓慈元拱女堯鼈山猶贊屬鵬海極扶搖宮殿春旗曉簾帷社飯朝龍攀攀不及鸞馭去何遙

立海終風黑洗光雙日紅餘波濺渤海仙仗峩崆峒宗廟神靈在公師禮數崇平生精履屐尚覺小臣忠

遞轉榮歸寢帷堂哭設衣神情如夢叶滄海悵心違百世功高立千年城郭非任安猶未死哀淚不堪揮

余觀復

觀復字中行南城人有北窗詩藁

讀柴桑集

游心太古初得句萬物表平生一樽酒寂寞三徑小有琴
不張弦正以知音少伊予挹殘芳道心炯相照北窗清夢
長山間自啼鳥吾欲問先生天闊白雲杳

木犀

盤盤老桂樹金屑黃龍鬆孕此無盡香襲襲乘西風幽人
爲延佇古意滋無窮王孫招不來西郊草蒙茸欲以遺遠
者道阻嗟難從馨香不忍替攬之寄房櫳夢魂悅而清夜
午超鴻濛恐常芳氣歇我恨何時終

次韻

榴簇殷紅竹迸青風驚檐玉一時鳴晚來幽趣無人解流

水聲中看月行

劉霆午

霆午清江人

題梅仙壇

吏隱清風幾百年長松修竹滿壇前漢皇若聽三書諫未必先生便有仙

黃極

極字舜舉豐城人

秋日渡江

雁落平沙一雨收淡烟斜日荻花淵慙誰與作王摩詰爲

寫江南水墨秋

童 湖

潮彭澤人咸淳七年進士官工部尙書

淵明故址

先生已歸來遺此折腰地不見督郵人祇聞解印事徑花
雖就荒臺月還畱醉賦罷清流詩西疇春已至

勞渡

借問誰家舟孤橫勞渡水遠攜蓑笠來滿載暮烟紫拍手
唱滄浪沙鷗驚不起

小孤山

長江萬里來一砥中流峙巨浸沒根深孤峰插漢起倒回
三峽流獨據九江水真是海門闢波濤險莫比

胡定

定餘千人咸淳七年進士

東山塢

碧插禪局千年壓郡城
岩堯分日表孤聳
礙雲行夜靜
鐵鐘影天晴送鶴鳴
秋風丹桂發邑士好題名

許方

方號月巢餘千人咸淳七年進士

贊孫謠

日頭老翁髮垂領
牽孫與客摩孫頂
翁年八十死無恤
憐汝孩童閑饑餓
去年苦旱穀未熟
今年飛霜先殺菽
去年饑餓猶一粥
今年饑餓無餘粟
客謝老翁將孫去
淚下如

珠不能語零丁老病惟一身獨臥茅簷深夜雨夢回猶自
憫呼孫縣吏催租正打門

黎廷瑞

廷瑞字祥仲鄱陽人咸淳七年進士授迪功郎歸
慶府司法叅軍有芳洲集

張良

博浪揮椎處惄惄報國仇如何錯印事獨不爲韓謀

夜坐

梧桐月轉影翩翩竹屋抄書夜未眠林下不知秋遠近西
風一葉墮燈前

湖上夜坐

露坐空庭竹四圍夜深更不掩柴扉茫茫雲海月未上蒼
耳滿聞聲亂飛

平湖漠漠來孤艇遠樹冥冥見一燈翁媼隔籬呼稚子岸
頭猶有未收罾

雨後過東山

羸驂破帽約輕寒破費春風半日間一事無成年四十又
隨花柳過東山

戊寅人日

滿飲東風酒悠悠自醉眠英雄悲往運兒女樂新年楊柳
嬌無賴梅花老更妍半窗晴日晚欹枕聽春鳶

故宮

麥飯苦經營桑田許變更饑鴉嘴古井獨鶴下荒城落日
關河迴東風草木榮蒼蒼十二檜顏色尚承平

過鎮巢

過盡黃蕪岸開橋小雨時城居懸似燕山勢縮如龜歲旱
圩田薄天寒土屋宜呼童沽白酒巢口賽新祠

荅客問

錫號翛閒客山中管白雲自稱前進士人喚故參軍花影
供吟課茶香策睡助客來談外事去去不煩君

樂平樊主簿捧檄北行來別賦此奉餞

拊掌心空碎清寒節太高無人相料理惟我獨賢勞萬里
隨歸雁孤帆渺莫濤歸期應不遠新月照梅梢

金陵歲晚

不擬殘年住秣陵，摩娑臘屐笑平生。
茫茫去雁雲千里，渺渺疏鐘雨一城。
天地無情催歲月，古今何物是功名。
梅邊且喜春風近，痛飲挑燈坐到明。

思歸

日斷飛雲思黯然，獨携樽酒杏花前。
清明寒食能多雨，白下長干又一年。
萬里風沙憐雁去，滿村桑柘憶蠶眠。
家書寫就無歸使，欲問江頭上水船。

九日雨遊薦福寺

小淪孤亭興未闌，共爲長歲坐蒲團。
半林空翠濕晴露，滿院秋香吹晚寒。
弔古并捫碑字讀好奇，更借藏經看歸舟。

莫笑清狂絕得句從來勝得官

古離別

迢遞君遠遊纏綿妾孤傷年年望君還悠悠空斷腸我願
陵成江有車不得襄江復變爲陸無水通舟航成江路還
通變陸路更長安得微賤軀乘風墮君傍化爲舟與車載
君還故鄉

團團素明月隱隱流前除卷帷對孤影涕泗沾羅襦念我
玉關人此心知焉如何方得靈藥託身爲蟾蜍懸光萬里
天往尋君所居君坐照君席君行逐君車

道傍兒

落日古道傍依依聞哭聲云是田舍兒垂髫纔九齡前母

久已沒後母無復情飢寒夙所更驅役不得停甫過南山
樵又督西疇畔蚤汲或至宴夕春恒達明曾何少懈怠動
輒遭笞刑班班膚無完恍恍神不寧命也可奈何怨辭安
敢形但願復母心回慈念孤生遲我齒力壯與母供使令
余聞重歎息爲汝雙涕零憑誰絃履霜彈與汝母聽

陪外舅謹齋泊雅山準軒三吳先生遊西園摘新茶
汲泉煮之香味殊勝焙者

雲根得奇草金芽擷芳鮮石鼎生古澗松風語寒烟雖微
龍鳳製而得雨露全玉塵飛素濤信美非其天臨風勿浪
啜尙以離騷篇

夜泊彭蠡風大作

卸帆月欲墮泊岸風轉急金沙傳鐵箭飛霰散瑣粒重湖
太古水帝遣龍下吸潛鱗失故穴蒼黃望舟入寧知政坐
容交表盡沾濕慌慌中夜起莽莽百憂集披衣視雲漢慘
淡天一笠頗疑廬阜倒三嘆救何及平明笑推篷五老猶
壁立

村居晚思

清風起層陰涼雨放疎點衆木鬱蒼然芳草綠冉冉山深
無來轍寂寞荆扉掩念遠悵悠悠殘陽在西崦

次韻吳推翁秋懷

蟋蟀鳴空階亹亹皆達曙感此不成眠推枕覓長句物情
欣得時嗟我獨不遇悠悠經世心歲晚付農圃長歌幽七

月掩卷泪如雨微蟲亦見錄老我吟謾苦周公不可夢哀哉弗如汝

憶昔登王畿花柳春爛爛芳年親與朋美酒夜復旦參差隔世路荏苒歲華晏荒池芳草平廢殿濕螢暗念當弔陳迹弊以鑄門限仙人詠城郭釋子說夢幻宇宙幾秋風悠悠復何嘆

蒼茫遺二老

謹齋
準軒俯仰近十秋松柏摧高岡鳳麟隱蒼洲

吾道遠如許斯人安可求當年西門路感涕吟山邱矧我於韓門忝與李漢儔遺文念當序舉筆心先愁歲寒賴有公名節誇以修願言愛體素一柱迴狂流天倫豈不傷天運良悠悠

西風吹梧桐一葉墮寒玉飄飄轉千崖齟齶侵萬木霜露
行復降雪霰飛相逐幽居感時通清夜理商曲堅冰信當
辨昊天有反復但使根本在陽回奚待祝鄙人謬光景纖
點不足錄焚香對秋山自取周易讀

溪上桑葉螢食已旣今年蠶事頗落寞

沿溪十畝桑綠葉數且腴朝採不盈筐暮視唯空株乃知
飛螢來竊食無復餘汝飢旣云厭蠶飢當何如豈挾照書
勢我困正在書哭衣諺所笑見東坡志林思矣計復虛僮奴日
捕拾囊獻如囚拘塵繩眊難覩乾死氣亦舒政爾可得盡
一笑清霜初清霜幾時來我亦寒無襦及時且封漑昂哉
爲後圖

泊三江口

潮寒聞雁聲夢尋見虎跡眼中無故人莽莽欲誰適當年
此防秋築壘如鐵壁哀哉不崇朝遽此陵谷易土道蝕殘
磚沙草埋折戟林墟稍亦集農畝猶未闢人心暗新樂疇
復念曩昔亭亭千尺塔獨立蒼烟碧稽首塔中仙此心如
鐵石

贈姜卜隱

君家鼻祖蟠溪釣何人爲卜非熊兆君是蟠溪幾代孫無
人卜君君卜人自言避世歸人境焚香下簾春晝永豈無
龍韜老渭濱英雄自惜多沈淪倘有獵者從君卜但說後
軍狐免逐

丙申上元喜晴孤坐感懷二十韻

少年意氣凌嵩華尚記京城逢午夜璧月瓊枝彩鳳飛銀
花鏤鎖金鼈跨樓臺上下沸笙韶巷陌東西暗蘭麝移蒲
百萬不供擲美酒十千寧論價狂遊但恐星河曙醉臥不
知風露下悠悠人世半悲歡忽忽天時更代謝蟻國驚心
城郭非蜃樓轉眼烟雲化微生幸爾脫干戈暮年聊比依
桑柘每當佳節強逢迎忽思往事還驚咤新年半月雨不
止此夕一晴天所借草市鑿鑿村鼓鬧竹簷爛爛華燈掛
顛狂社舞喧戲劇落魄儒冠寄嘲罵亦知陋俗多浮薄尚
喜疲眸少閒暇先生清坐懶出門諸少並游唯守舍雖無
畫燭千炬圍猶有殘梅一枝亞孤燈隱隱耿相照疎影離

離淡如畫劃爾喧風撲短檠烟然霽月明虛榭百念無營
冷似灰一閒有味甘如蔗已拚暮境漁樵侶獨憶平生詩
酒社白雲靄靄隔江山可惜無人談舊話

彭蠡阻風

元雲如壘沙如箭陽侯擊鼓飛廉扇穹龜帶甲魚負劒萬
怪騰空助龍戰廬君玉立金芙蓉笑我塊坐如樊籠子胡
不來此山中與子跨鶴蓬萊宮江流茫茫去不息嗟我棹
往何終極靈君如願倘可乞但覓金丹生羽翼

宋可紹去秋許櫻報明年夏當見寄今及期矣輒以

詩請

寥陽官殿老夜久九頭獮獮髮鬢朝暮披木不滿數謫

守鳳山山下花鳳山可紹先公
穆陵王尚書堂忽生蟻虱若魚子秋風透
項櫛復爬夫君豈弼居士屢屣聲漢代尚書家不嫌汝髮
污我趾結鞋遠勝蕭與麻煌煌火輪照萬野恨不赤腳踏
雪車世間襯襪獨何事黃塵沒骭汗透轔老夫兩鬢亦蕭
颯謝去桐帽便烏紗願言得此稱輕爽宿諾今已期及爪
書當布襪從此始上下雲門還若耶

鐵笛行贈丁雲屋

斗牛之墟有伏龍寶氣夜起天爲虹雷公往矣不可逢潭
底高臥吟秋風忽羞珠宮薄且闕返形化作紅爐雪背負
七星雷吐舌五色石墮天驚裂何人携此過武亭貞仙東
遊弭節聽知音千載空翠青猿啼鬼哭煙冥冥華表雲深

鶴一隻渺渺孤吟空八極左呼廬阜老仙客右呼西風古
禪伯江上暮雲寒蕭蕭梅花未動飄葉彤紅尾鳳凰飛翠
霄好去瑤臺吹玉簫

送鶴神

農夫相傳鶴神之屬三年若登天度歲則民有糧
在地則否故作此以送之

元裳兮縞衣紛爾乘兮遯歸嗟我毗兮苦復苦穀懸於天
兮夢在土爾之族兮類且多蠶爾食兮如毗何毗之憂兮
來年际爾天爾田天崇崇兮有凜皇之漿兮可飲樂莫樂
兮爾還兮復來兮人間

精衛行

微禽負大恥勁氣橫紫冥口銜海山石意欲無滄溟滄溟
茫茫雲正黑濤山寂寥護龍國假令借爾秦皇鞭驅令石
頭填不得布囊盛土塞江流孫郎覽表笑不休勞形區區
鬱浩渺志雖可尚難乎酬蓬萊有人憐爾苦勸爾休早
歸去精衛精衛我亦勸汝歸滄海自有變作桑田時

泊淮岸夜聞鬼語

北風行平林蘆葉響乾雨青鱗走平沙獨夜鬼相語沈吟
乍幽咽怨哭倍酸楚遺鬢烏鳶飽滯魄孤免伍白骨委飛
霜零落從草莽草死東風吹復生骨枯東風吹不榮汝悲
信悲不足語吾欲詰爾爾試聽君不見劉項割鴻溝又不
見孫曹戰赤壁回頭萬事曉雲空石馬茫茫土花碧世間

倘有長生藥
薊子白雲丁
令鶴霸城相見悲
銅狄華表歸來嘆
城郭汝不見
興與衰又不憂
寒與飢濛上之叟不汝欺
汝有至樂爾不知
嗚呼人生何苦爾何樂
人生羨汝不可學

程 錦

鏗鄱陽人

游大滌

松風吹客衣
縹渺凌絕境
古洞不見日
篝燈入幽冥
蒼苔暈石花
奔泉弄雲影
仙游願初遂
秋山魂未省
我生有宿約
結屋天柱頂

李 玉

王字元暉號鶴田又號廬陵民吉水人年十二通書經召試館職除秘書省正字主管御覽書籍除閣門宣贊舍人宋亡後不出年八十九卒有雜著

四集錢塘百詠

南郊紀事

嚴更頻報夜何其萬甲聲傳遠近隨梔子燈前紅炯炯大安輦上赴壇時

題汪水雲湖山類橐

天地事如許英雄鬢已斑淚添東海水愁壓北邙山

雪中寄友

石角雲層道路難黑風三日晝漫漫吟筇直指西湖柳台

與梅花共此寒

題王右丞輞川圖

閣圖親畫早流傳已是人間五百年疑碧池頭秋句在當年幾負此林泉

題崇元觀

舟維楊柳岸來拜晉英靈碑古龍紋暗劔寒蛟血腥江春半嚮綠山曉一樓青燈火旌陽殿鐘聲過客聽

陳世崇

世崇字伯仁崇仁人郁子隨父入宮禁仍充東宮講堂說書兼兩宮撰述後任皇城司檢法賈似道忌之遂歸于鄉入元著隨隱漫錄多述宋季事

題曾氏諸帖

南豐而後艇齋君忠義詞章萃一門手澤流芳凌劫火欽承猶得到來孫

黃力叙

力叙號梅堂江西人

送陳隨隱歸江西

詩在天地間風清月明處若爲深閉門而可覓佳句夫君小元龍豪氣隘區宇青春發詩材秀苗長膏雨流水與行雲吾不見滯住乘月游吟毫玉枕三危露超詣自透脫悟在觀劍舞人宮畫蛾眉胡爲衆女妬君詩亦何憾千載一時遇向也詩道昌吟聲喧禁籞應制沈香亭龍巾曾抵唾

今焉詩道厄短筇策江路悲嘯梁父吟侘傺離騷賦浮雲
時卷舒睨此知出處此其隨之義大隱會境趣天地梅又
春風繁雪飛絮一笠灞橋驢吟詩向臨汝得句從人傳傳
今亦傳古要知是家傳審言以傳甫傳之而又傳衣鉢傳

宗武

桂正夫

正夫貴溪人咸淳九年解試

贈桂琴隱先生

重責衡門日盤餐愧負羈經年疎問道靜夜飽聽詩近子
覺形穢服車羞耳垂快哉過庭鯉咫尺鳳凰池

吳仲軒

仲軒進賢人咸淳中進士歸隱教授元初程鉅夫
疏薦不起

謝程鉅夫

抱疾經年久何期徵詔臨芸窗書已蠹竹葉徑尤深空返
皇華使難忘鷗鳥心懷君雖感激衰鬢不勝簪

何希之

希之字周佐樂安人咸淳十年進士有雞肋集

送樂安教諭周亦山

他日聞京浙大夫士談道寺丞周官講重望遙隔
風雨晚乃獲交其嗣亦山於荒山硯席間議評商
略反覆理竭珠璣咳唾俊墨淋漓此咸淳以來貴

游俊造所無也蓋其殖學織文猶及接中朝人物
故所樹立攢落世俗杏陰濃綠瓜熟告行將乘扶
搖負青天而上此非尋常別也小詩贊情瞭焉天

末

獨佩傳家印芹宮一線春居然風月意笑却簿書塵溪水
吾同味簷花道固貧迂寒從獻笑肯與俗爲鄰

垂晚相携手飛談入理微前修推大雅晚輩際真依君去
紓朱絞吾將老布衣相敦各千載別淚不須揮

劉應鳳

應鳳字堯舉號書臺安福人咸淳十年進士廷對
時以言忤時相置第五授簽判嘗攝建昌軍事入

元不仕

挽羅礪谷

嘗憶東華裹飯時五千字挾海潮飛臣愚敢憚權奸忤主
弱寧知國事非相馬有奇堪下拜屠龍無用只空歸江南
文物侵尋盡洒淚單傳第一衣

中齋歸自海上見訪

拂石爲牀席白雲鯨魚背上有人諫書檄草皆成血野
服黃冠再見身塵尾悲酸渾欲死燈前瀟洒儼如神更闌
萬鎖銷沉盡地闊天高兩主賓

聞文文山北行

喚得嵐鄉昨夢回東風萬里上金臺出關曾解婆娑否枝

北枝南一種梅

檢點桑粉淚幾行羞和晝屋總荒涼孔明景略畱遺傳分挂當年夜雨床

夾道紅旗駐馬蹄鄉人將喜又將疑天畱中子傳孤竹誰向西山飯伯夷

滿眼平疇草自春烏鵲無數是亥丁鬼神如奉君王問爲訛江南燐火青

王 烈

奕字伯敬自號玉斗山人玉山人與文文山謝蠭
山友善官本州教授宋亡建斗山書院杜門不出
有斗山文集梅巖雜咏玉斗山人集

金餘元遺山來拜祖庭有紀行十首遂倚歌之先後
殊時感慨一也

魯櫺卸淮舸淳塗歷藜蘆翠嶂倚天末髡髯東南問薄暮
曲紀城三清倣仙居平原積磧砌靈河鳴泉珠小徑斗折
上行與狐兔俱循崖索斯篆恍惚東封書叢巔集蓮瓣巖
巖瞰青徐正途盡茅塞正爾宜羊車蚌珍不蔽美客堯到
粉榆南門肅孟廟冠袂先摵趨氣大夙有配邾小不必都
鹽旣覲慈靖擇師誰復如

高垣門十一云是魯城基浮浮化荆榛孔廟存威儀奎門
出浩蕩杏壇歷透古今帝王所形仆影卽隨人間此天
闕可望不可躋詩書壽老壁孫子綿遺規杲杲不可尚百

世當前知

聖人與天遊擇地豈必巧袤延十里林老翠鎮盤繞斧斤不可尋兵刦不能燎翁仲儼冠帶麟虎峙強矯書生拜風木起立九腸攬築至今不多馳蹕古應少春秋泉壤幽日月天地曉沫橋一線流滲注入萬沼入陵見金枕公相計不早父乾兮母坤白骨無壽天銜冤絕歸鶴誰復訴華表九原信可作兩觀事未了

西偏顏樂園屋角接聖境想當坐忘時聰明盡黜屏上植松數株下種麻千頃蛛網結秋絲綿密藏廢井東連勝果寺元此誕莊禪象教剝牀膚聊事終不永興忘有定在雖帝不可請緬想書雲時五色垂燦炳三家浚深井錄訖水

亦令卓卓正憲祠蒸鬱猶定省金縢宗老心復辟直要領
照影弔伯禽抱渴空望綆

高門連曲沼上有泮宮臺芹藻莽不復菰蒲弄風埃靈光
突其右荒穢良可哀兩阜爪距地驅車儼臨淮雞蟲爭得
尖擾擾胡爲哉何如袖春服行歌與時偕我來晞白髮歸
詠同此懷柴桑志童冠寤寐須偕來酌達洗逸盼雅趣孰
此偕步霧習風腋自覺聰明開

壯哉景陵宮龜屬極神猛洪惟大庭庫制度合雄鵬聖世
尚封崇功擬天地並中天怪事發靈長轉俄頃我登望嶽
臺一慨心自領涿鹿策奇勦自謂出天幸大運旋丸某捧
首歸舊鼎富貴積金臺礎礫揜營屏倘無六籍在詎不胥

猶獮下士位人上奈何不深懼

雞豚鄰柵翁盼盼延允譜仲尼土萬世豈必志百畝誰知
弗父何讓德報以魯蟻穴幾王侯林廟此其所東周禮樂
心皇不在文武大器信有神子奮執敢侮郊廟鼎雄弱
舊竟莫舉大厦庇生民雲仍合分廡詩禮世其傳嘉種無
葬肉庭趨揖鬚眉返此末代古

荒蕪望魯甸姬孔廟鄰鄰允祚五十代顏孟東西鄰旁求
倚坐翁草莽迷城闕豈應髮膚體竟此成涇渝鑠爾續道
韻垂此天倫親犁鋤供子職猶裕耕鑿民可能百世祀不
廟三省身亦必有壇壝尚稽廓荆榛五賢配西序餘派波
揚荀肥馬視輕服此景良清新微言苟不及往迹亦易陳

安得沂水上薦泉薦斯人

耕民昧帝力焉用典與謨奈何降喪後氣稟分賢愚天錫孔孟氏一整綽有餘廓哉鄒魯地良足容軒車皇皇七十國轍迹何區區誰知百世下流作章句儒掌股弄神器敝屣直棄如遂令桐梓地盡化荆棘塗昏林畏饑啖秉燭來趨隅巫咸倘可問爲我還其初

人惟君與師得在天地間蜂蟻失所主生息决不蕃遂日渴未死顧影悲余年平生東魯生皓首瞻聖賢上下二千載歷歷觀遺鑄惜哉數墨子想像成虛傳十章紀大略盡和遺山篇忠腸攬葵漆喉棘不忍言持歸刻那石何用勒燕然

和趙若倫舊題多景樓

大地山河合九州秋風吹起故鄉愁洛山冉冉機雲出漢水瀟瀟巡遠差東望海連甘露寺北來詩滿鎮江樓金臺萬里山河杳且問東津泣上舟

題維揚

半生書劍走闕廩三十年前欠此游赤腳有心尊魯國白頭無力賦揚州花明靴巷新朝市草暗城隅舊敵樓橋上更無何遜迹梅花明月爲誰留

絕句呈周月湖

草帶粘天只辨星燧樓盡化作郵亭柳橋梅驛多來使只寄山中養鶴經

題小蒜嶺

西風策策麥花涼重把新詩自吊量禽不爲人音自好路
因無驛里偏長百年白髮空前輩兩載黃花笑異鄉歸去
玉瑣牢閉戶莫教舊隱姓名香

和遺山呈泰山倪布山真人

其年百二十二歲

江右書生枉白頭杖藜始得北山游手摩紅日登三觀袖
拂黃埃看九州及下誠明殿親道貌方知歲月老春秋更
須梓就諸公什焰焰聲名萬古留

贊見五峰燕先生

康廬翠律擰青空五峰下有神仙翁黃金爲佩白玉瑣跨
虹飛上燕臺穹紫垣蒼瑣白日靜薇花韻的明丹衷帝謂

公回久不升爲提明月江西東某邱某壑無隱耳貯見漢
庾堆陳紅周官六典冢宰事有功畝畝方爲忠蹇子落魄
不耕子半生煮字悲吟窮蓋頭不思戀茅屋負笈遠拜夫
子官黃河泰華幸一見於人須識歐陽公枯根纖芥盡收
拾藥籠未必遺芳薦品題願借燕許筆可以報德歌幽風

絕句呈李惟學山長

星氣西流一擲梭起看斗柄夜如何篝燈急了牀頭易明
發開門事又多

和申屠忍齋隸籍秦郵韻呈荀治書生

笑認鶯江舊祐環大槐夢覺已無關看花要在雪霜裏品
玉莫於文字閒烏府清風如有約鶴樓明月不教閒直須

存活蒼生了却把丹囊貯九還

登秦郵文游臺天壁亭長歌

湖天澹澹湖水碧湖風冉冉湖雲收湖北幾頃菰麻地湖
汊幾摺蘆花洲幾千萬刼走晝夜三十六鏡磨春秋江南
狂客歸自魯騎驢載酒游文游文游已落鐘鼓界斯文喪
矣游人羞蚌胎明月吸華老雅背落日悲少游東坡雙井
化異物神光奕奕穿斗牛文章不逐歲月老精爽常與天
地流賞心倘得際美景薄才自許追前修安得老來難距
筆生綃百匹橫戈矛守臺舊卒年九十願隱於臍肩過頭
六十年前邊鄙事且言且泣氣咽喉甚言秦欲帝萬世據
此要地置急郵海田陵谷無定在如今非項兼非劉王生

感慨重抵掌驚起一片湖中鷗鷺飛沒入翠烟裏乾坤納
納歸雙眸何當飛出天壁外春風吹散眉峰愁

庚寅五月十二日偕趙平甫拜采石神霄宮太白墳

舊有暮雲亭

孤風吹黃鵠遠客歸自魯瓣香拜公墳梁月重淒楚比魯
登泰山依韻踵遇武生平景仰心茲夕遂親覩何地無青
山何人無黃土豔豔謫山翁配月照今古惜哉生死世於
道竟無補世乏蹈海人此事與誰語徘徊暮雲亭元蟬訴
輕鶴

謝靈山先生已丑九月被執北行嗣士以詩送之倚
歌以餞

皇天久矣眼垂青盼盼先生此一行遺表不隨諸葛死離
騷常伴屈原清兩生無補秦興廢一出誠關魯重輕白骨
青山如得所何消兒女哭清明

襄漢無人替一肩遂令杞國墜青天是誰鑄此一大錯此
事公知三十年盡愛中都爲宰相豈知上界有神仙縱饒
不返南飛翼也合津橋化血鶻

聞豐山已丑四月七日死於燕

聲名如此付杯羹滿腹琅玕不得呈諾士尙能如孔子殺
身未必死益成骨埋北壤名山重冤入南天上帝驚當日
刀主成謾爾金華仙籍再書名

謝吳侍郎

屋角梅花枕魯宮栢臺借重過江東月明鳥定文書靜九
郡樵樓起烈風

水簾洞

密織多因雨線添泉紳高掛月鉤纖洞仙羞見秦丞相故
遣東風放下簾

鄆玉庭

玉庭字德簡號益齋武寧人與文文山友善秀水
縣丞宋末棄官歸隱於建溪卒

歸建溪

歸去寒溪覓舊盟相逢詩酒足娛情閒雲不礙青山好物
外風高夢自清

王希淮

希淮字同甫安成人廷珪諸孫炎午父有孝行蜀閩余炌徵之以母老力辭不就按安成卽今安福

送子應梅入太學

璧流天下士取友戒荒嬉家國關身重鄉園得夢遲子行雖不惡我老自堪疑莫似遼東鶴悠悠不可期

王炎午

炎午初名應梅字鼎翁後改今名別號梅邊安成人事母至孝文信國公募兵勤王杖策從之畱幕府旋以母老辭歸信國被執爲文生祭之終身不

仕有吾汝稿

贈戴石玉

琢之磨之玉汝于成孰爲玉工師友父兄他山之石今則
在我彼璞之棄我責之墮爲瑚爲璫如珪如璋山澤之潤
邦家之光玉不自毀人自喪寶聞士稱名不離其道